

stat ad imperatorem Ludowicum, qui capiebat eos omnes et illos mediocres, qui alios induxerunt, fecit privare ab oculis et visu.

f. 230'. Quod unusquisque debeat manere in suo statu. Nota de rege Francie qui iussit civem restituere comitatum comiti. Accidit enim quod quidam civis Parisius emit comitatum pro 24 mille marcis argenti. Expertus autem rex, quod civis emisset comitatum, misit pro cive, cum comes eciam adesset. Cum autem veniret civis, tunc rex suscepit eum dicens: 'Beneveneritis, domine comes de tali comitatu'. Civis vero dixit: 'O domine, ego sum pauper civis'. Tunc dixit rex: 'Vos estis comes, quia emistis comitatum'. Et tunc dixit rex ad comitem: 'Recepisti pecuniam ab eo?' Dixit: 'Recepi'. Tunc dixit rex: 'Dedisti sibi litteras super empcione comitatus?' Dixit: 'Dedi'. Tunc dixit rex ad civem: 'Vade porta litteras tuas, quas dedit tibi comes'. Tunc civis portavit. Rex autem recepit et laceravit et dixit: 'Habeas tibi comitatum tuum et sis comes, et tu sis civis; vel quis licenciavit tibi emere comitatum?' Et sic permansit pecunia comiti.

f. 231. De verbis a casu prolatis. Nota de quodam rege Francie, nomine Philippus. Ille prius fuit unus comes, et quia rex moriebatur sine herede, et erat quidam civis Parisius, quia (l. qui) erat procurator regis precedentis et valde potens circa regem. Ille autem qui futurus erat rex non dilexit illum civem. Et postquam erat factus rex, tunc suspendit illum civem. Ille autem civis fecit istud patibulum, et dixit semel ad regem precedentem, cuius procurator fuit: 'O domine, ego feci vobis patibulum'. Tunc dixit rex: 'Tu fecisti tibi patibulum et non michi.

f. 231'. Nota quod audiavi anno domini 1327. ab uno Karmelita, quomodo sancta crux, id est pars magna, devenit ad Karmelitas in Montem Besselanum. Devenit autem per hunc modum, quod quidam christianus venit inter paganos et erat factus servus unius regis u. s. w.

f. 232. Nota imperator Karolus rex Bohemie habebat unum puerum in curia sua, qui fuit irsutus totus ut canis irsutus.

f. 232'. Nota quod accidit tempore meo quod quidam Badawe similavit se esse ducem de Brünsweich u. s. w.

f. 234. Nota quod audiavi notabile factum dicere in Nordlingen anno domini 1337, et erat gestum in Lombardia, ubi erant duo fratres barones u. s. w.

f. 234'. Nota quod accidit anno domini 1340, quod circa Renum in Alsacia coniurabant 15 centum rusticorum, quod vellent occidere omnes comedentes panem ociosum, ut episcopos, clericos, monachos, moniales, scolares. Quod expertus episcopus quidam et quidam abbas honestus, collegerunt exercitum et captabant eos.